

## JONES, THOMAS GRIFFITHS ('Cyffin'; 1834 - 1884), hynafiaethydd

**Enw:** Thomas Griffiths Jones  
**Ffugenw:** Cyffin  
**Dyddiad geni:** 1834  
**Dyddiad marw:** 1884  
**Priod:** Mary Anna Jones (née Pryce)  
**Rhiant:** Elizabeth Jones  
**Rhiant:** David Jones  
**Rhyw:** Gwryw  
**Galwedigaeth:** hynafiaethydd  
**Maes gweithgaredd:** Hanes a Diwylliant  
**Awdur:** Enid Pierce Roberts

Ganwyd ef yn Llansanffraid, Sir Drefaldwyn, 12 Ionawr 1834, yn fab i David Jones, siopwr, ac Elizabeth ei wraig. Bu farw'i dad pan oedd ef yn 14 oed a chadwodd yntau'r siop weddill ei oes. Yno y bu farw 10 Medi 1884.

Ychydig o ysgol a gafodd am ei fod yn blentyn afiach, ond ymrôdd i'w addysgu ei hun trwy ddarllen ac ysgrifennu llawer iawn. Casglai lyfrau a llawysgrifau ac ymddiddorai mewn llên gwerin, priod-ddulliau llafar gwlad, hen draddodiadau a hynafiaethau Cymru, ac yn arbennig rhai ei ardal ei hun. Dywedir iddo gasglu gwybodaeth helaeth am hanes Crynwyr Sir Drefaldwyn. Ysgrifennai'n fynych i'r cylchgronau Cymreig; ambell dro defnyddiai'r ffug-enw Cyffin, ac yn ddiweddarach Gypt a Borderer. Yr oedd yn ganwr penillion pur fedrus. Llwyddodd i sefydlu Cymdeithas Cymreigyddion Powys, yn haf 1861, ac ef oedd y llywydd cyntaf. Pan sefydlwyd y Powysland Club daeth yn aelod gweithgar gan ysgrifennu'n aml i'r *Mont. Coll.* Yr oedd yn Annibynnwr selog ac yn Rhyddfrydwr.

Priododd Mary Anna, merch Samuel Pryce, Gwern-y-pant, 7 Chwefror 1871, a bu iddynt 6 o blant.

### Awdur

**Dr Enid Pierce Roberts**

### Ffynonellau

T. R. Roberts, *Eminent Welshmen: a short biographical dictionary of Welshmen... from the earliest times to the present* (1908)

R. Williams, *Montgomeryshire Worthies* (1894)

*Collections Historical and Archaeological relating to Montgomeryshire* iv, 75-168; x, 359-78; xi, 61-124; 285-316; xii, 297-308; xiii, 311-32; xiv, 345-54

*Y Geninen*, 1883, 75; 1884, 236-8; 1885, 62-3

### Dolenni Ychwanegol

Wikidata: Q20804790

**Dyddiad cyhoeddi:** 1970

**Hawlfraint Erthygl:** <http://rightsstatements.org/page/InC/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n tudalen codi arian am ragor o wybodaeth.



Arddull APA



Roberts, E. P., (1970). JONES, THOMAS GRIFFITHS ('Cyffin'; 1834 - 1884), hynafiaethydd. *Y Bywgraffiadur Cymreig*. Adferwyd 1 Tac 2024, o <https://bywgraffiadur.cymru/article/c3-JONE-GRI-1834>

LGC  
NLW

LLYFRGEL  
THE NATION



Ysgrifeddiadau  
Llywodraeth Cymru  
Copied by  
Welsh Government